

১১/১১/১৮
১১/১১/১৮

গণপ্রজাতন্ত্রী বাংলাদেশ সরকার
বাংলাদেশ সরকারি কর্ম কমিশন সচিবালয়
আগারগাঁও, শেরে বাংলা নগর, ঢাকা-১২০৭।

বিজ্ঞপ্তি

নং-৮০.১০৩.০১১.০০.০০.০০৬.২০১২- ০৯

তারিখ: ১৮ জানুয়ারি, ২০১৪।

বিষয়: বাণিজ্য মন্ত্রণালয়ের নিয়ন্ত্রণাধীন জাতীয় ভোক্তা অধিকার সংরক্ষণ অধিদপ্তরের “সহকারী পরিচালক” এবং প্রতিরক্ষা মন্ত্রণালয়ের নিয়ন্ত্রণাধীন বাংলাদেশ জরিপ অধিদপ্তরের “সহকারী পরিচালক (জরিপ)” পদের লিখিত পরীক্ষা অনুষ্ঠান প্রসঙ্গে।

সংশ্লিষ্ট সকলের অবগতির জন্য জানানো যাচ্ছে যে, বাণিজ্য মন্ত্রণালয়ের নিয়ন্ত্রণাধীন জাতীয় ভোক্তা অধিকার সংরক্ষণ অধিদপ্তরের “সহকারী পরিচালক” এবং প্রতিরক্ষা মন্ত্রণালয়ের নিয়ন্ত্রণাধীন বাংলাদেশ জরিপ অধিদপ্তরের “সহকারী পরিচালক (জরিপ)” পদে সরাসরি নিয়োগের লক্ষ্যে লিখিত পরীক্ষা নিম্নোক্ত কেন্দ্রে উল্লিখিত সময়সূচি অনুযায়ী অনুষ্ঠিত হবে :-

লিখিত পরীক্ষার তারিখ	:	০২.০২.২০১৪ (রবিবার)
সময়	:	সকাল ১০.৩০ মি: থেকে দুপুর ১.৩০ টা পর্যন্ত
পরীক্ষার কেন্দ্র	:	সরকারি কর্ম কমিশন সচিবালয় ভবন আগারগাঁও, শেরেবাংলা নগর, ঢাকা-১২০৭।

২। কম্পিউটার সনদ না থাকায় জাতীয় ভোক্তা অধিকার সংরক্ষণ অধিদপ্তরের সহকারী পরিচালক পদের নিম্নোক্ত রেজিস্ট্রেশন নম্বরধারী প্রার্থীগণের প্রার্থিতা বাতিল/অযোগ্য করা হয়েছে :-

রেজিঃ নং- ৩২৮৯৫৫, ৬৮৮৭১০, ৬৮৮৭১২ ও ৬৮৮৭১৪ = ৪ জন।

পরীক্ষার্থীদের জন্য লিখিত পরীক্ষা সম্পর্কিত নির্দেশাবলি :

- ১) বাংলাদেশ জরিপ অধিদপ্তরের সহকারী পরিচালক (জরিপ) পদের যোগ্য প্রার্থীদের নিকট ইতোমধ্যে অবশ্যপূর্ণ প্রবেশপত্র প্রেরণ করা হয়েছে। জাতীয় ভোক্তা অধিকার সংরক্ষণ অধিদপ্তরের সহকারী পরিচালক পদের যোগ্য প্রার্থীদেরকে বাছাই পরীক্ষার প্রবেশ পত্র নিয়ে লিখিত পরীক্ষায় অংশগ্রহণ করতে হবে। কোন প্রার্থী প্রবেশপত্র না পেয়ে থাকলে বা হারিয়ে গেলে তিনি আপাতমূলক ২৯ ও ৩০ জানুয়ারি, ২০১৪ তারিখ অফিস চলাকালীন সময়ের মধ্যে ২ কপি পাসপোর্ট সাইজের সত্যায়িত ছবিসহ কমিশন সচিবালয়ের ঢাকাস্থ প্রধান কার্যালয়, আগারগাঁও, শেরে বাংলা নগর, ঢাকায় সহকারী পরিচালকের (কক্ষ নং- ৪১১) সাথে যোগাযোগ করে বিকল্প প্রবেশপত্র সংগ্রহ করতে পারবেন। উল্লেখ্য যে, যোগ্য প্রার্থীদের মধ্যে প্রবেশপত্র ছাড়া কোন প্রার্থীকে পরীক্ষায় অংশগ্রহণ করতে দেয়া হবে না।
- ২) পরীক্ষার নির্ধারিত সময়ের অন্তত ১৫ মিনিট পূর্বে আসন গ্রহণ করতে হবে। পরীক্ষা শুরু হবার ১৫ মিনিট পর কোন পরীক্ষার্থীকে পরীক্ষা কক্ষে প্রবেশ করতে দেয়া হবে না। পরীক্ষা শুরু হবার পর ১ ঘণ্টার মধ্যে কোন পরীক্ষার্থীর পরীক্ষা কক্ষ ত্যাগ করা নিষিদ্ধ।
- ৩) যোগ্য প্রার্থীদেরকে উল্লিখিত পদের জন্য বাংলা-৫০, ইংরেজি-৫০, সাধারণ জ্ঞান-৪০ ও প্রাসঙ্গিক (গণিত/উচ্চতর গণিত) বিষয়ে-৬০ মোট ২০০ নম্বরের ৩ ঘণ্টার লিখিত পরীক্ষায় অংশগ্রহণ করতে হবে।
- ৪) প্রার্থীদের একই সাথে ৪টি বিষয়ের জন্য ৪টি উত্তরপত্র প্রদান করা হবে। প্রার্থীগণ বাংলা, ইংরেজি, সাধারণ জ্ঞান ও গণিত/উচ্চতর গণিত বিষয়ের উত্তর প্রদানের জন্য ভিন্ন ভিন্ন উত্তরপত্র ব্যবহার করবেন। একই উত্তরপত্রে একাধিক বিষয়ের উত্তর প্রদান করলে উত্তরপত্র বাতিল হবে। হাজিরা তালিকা, উত্তরপত্র এবং অন্যান্য কাগজপত্রে পরীক্ষার্থীর স্বাক্ষর একই রকম হওয়া প্রয়োজন।
- ৫) প্রার্থীকে কলম বা বল পয়েন্ট কলম সাথে আনতে হবে। পরীক্ষা কক্ষে ব্যাগ, বইপত্র, সায়েন্টিফিক ক্যালকুলেটর, মোবাইল ফোন এবং কোন প্রকার যোগাযোগ যন্ত্র বহন করা সম্পূর্ণ নিষিদ্ধ। তবে পরীক্ষার হলে সাধারণ ক্যালকুলেটর ব্যবহার করা যাবে।
- ৬) পরীক্ষা কেন্দ্রে কোন প্রকার অসাদু পন্থা অবলম্বন এবং অশোভন আচরণের অভিযোগে সংশ্লিষ্ট প্রার্থীর বিরুদ্ধে যে কোন প্রকার শাস্তিমূলক ব্যবস্থা গ্রহণের ক্ষমতা কমিশন সংরক্ষণ করেন।
- ৭) পরীক্ষা শেষ হবার পর পরিদর্শকগণ উত্তরপত্র সংগ্রহ না করা পর্যন্ত পরীক্ষার্থীগণ নিজ নিজ আসনে অবস্থান করবেন। পরিদর্শকগণ বিষয়ভিত্তিক উত্তরপত্র গণনা করে বুঝে নেয়ার পর পরীক্ষার্থীগণ কক্ষ ত্যাগ করবেন।
- ৮) উক্ত বিজ্ঞপ্তি ও অন্যান্য তথ্যাবলি কমিশনের ওয়েব সাইট www.bpsc.gov.bd -এ পাওয়া যাবে।

“পড়াশুনা এবং জ্ঞান অর্জনের মাধ্যমে ভালভাবে
প্রস্তুতি নিয়ে পরীক্ষায় অংশগ্রহণ করুন”

১৮/১১/১৮
(মোঃ আলী মুর)
পরীক্ষা নিয়ন্ত্রক(নন-ক্যাডার)
বাংলাদেশ সরকারি কর্ম কমিশন সচিবালয়, ঢাকা।